

Druhi džěl projekta "ERASMUS+" so w Zvolenju (Słowakska) wotmět

Spolufinancováno
z programu Evropské unie
Erasmus+



Mosty mjez šulu a žiwjenjom - pod tutym motom wotmětaše so wot 06.10. do 12.10. druhi projektowy tydžeń ERASMUS+ w Słowakskim

Zvolenju. Prěni džěl projekta organizowaše hižo w meji čěska šula w Mělniku. Serbska wyša šula Ralbicy twori třěci džěl projektoweje trójki, kotraž wuhotuje w meji 2020 zakončacy projektowy tydžeń. Wodźacy a zwjazowacy motiw je přez cyły časowy rum woda.

Po dołhej jězbje z čahom zahaji so projekt pónđzelu w Zvoleńskej šuli. W měšanych třirěčnych skupinach programěrowachu šulerjo roboter, wopytachu 3D-prózdnjeńcu w Zvoleńskej techniskej uniwersiće a měřjachu wšelake hódnoty wody w laborach uniwersity. Popołdniši program wobsahowaše wopyt mineralnych a termalnych žórłow w Sliáč a Kováčová kaž tež kupanje w horcym termalnym žórle w Holidayparku Kováčová.

Na druhim dnju analyzowachu šulerjo wodu při žórle rěki Hron w Niskich Tatrach we wysokosci 934 metrow n.m. při zymskich temperaturach. Slědowaše wopyt Bystrianskej prózdnjeńcy, kotraž skići mnoho družinam njetopyrow schow. Analyzy wody wospjetowachu šulerjo w srjedźnym džělu Hrona při wodarni w Šalková a wuslědky mjezsobu přirunowachu. Džeń wuklinčeše z wobhladanjom města Zvoleń, jako Zvoleńscy šulerjo nam najrjeńše kućiki města pokazachu.



Třěci džeń zahaji jězba do Banskej Štiavnice z wopytom tamnišeho mineralogiskeho muzeja w tak mjenowanym „Bergrichter“. W nim wobdźiwachu šulerjo najwšelakoriše družiny mineralijow. Z nałownikom podachu so dale do podkopy „Štôlna Bartolomej“, w kotrejž wobdźiwachu podzemski muzej. Při Banskoštiavniskich hatach rozprawjachu šulerjam wo nastaću a wužitku tutech „tajchow“.

Hłowne město Słowakskeje - Bratislavu wopytachmy štwórtk. Podachmy so na jězbu z łódžu po Dunaju, na kotrejž wobdźiwachmy Bratislavski hród, parlament a najznačiše mostny města. We wódnym muzeju zhonichu šulerjo, kak zastaranje z wodu w Bratislavje a wokolinje funguje. Z małej turu přez stare město a hród so napjaty džeń skónčeše.

Na poslednim zhromadnym dnju zhotowichu šulerjo třirěčne brošurki z wobrazami a začisćemi tydženja. Připódlu wuspytachu so w escapowej hrě, w kotrejž mějachu so w zhromadnym dźěle z pomocu logiskeho myslenja a wuslědženja pokiwow z ruma wudobyć. Po wobjedže slědowaše přepodaće certifikatow při swjatočnostnej atmosferje w Zvoleńskim hrodže. Wječor při małej zakónčacej diskotece w šuli pokazaše so, kak wusko su šulerjo wšěch třoch narodow hromadže zrostli a kak derje so po chwilce dorozumichu. Běše to za wšitkich jónkrótne nazhonjenje.

Dalše wobrazy nadeńdžeće na našej internetnej stronje.

Julija Serbinec

